

ՎՐԱՍՏԱՆԻ ԿԱՌԱՎԱՐՈՒԹՅՈՒՆ

2024 ԹՎԱԿԱՆԻ ՀՈՒՆՎԱՐԻ 1-ԻՅ՝ ՄԻՆՉԵՎ 70 ՏԱՐԵԿԱՆՆԵՐԻ ԿԵՆՍԱԹՈՇԱԿԸ ԿԿԱԶՄԻ 315, ԻՍԿ 70 ԵՎ ԱՎԵԼԻ ՏԱՐԵԿԱՆՆԵՐԻՆԸ՝ 415 ԼԱՐԻ

ԲԱՐՁՐԱԼԵՌ ԲՆԱԿԱՎԱՅՐԵՐՈՒՄ ԱՊՐՈՂ ԿԵՆՍԱԹՈՇԱԿԱՌՈՒՆԵՐԻ ԿԵՆՍԱԹՈՇԱԿԸ, ՀԱՄԱՊԱՏԱՍԽԱՆԱԲԱՐ, ԿԿԱԶՄԻ 380 ԵՎ 500 ԼԱՐԻ

Վրաստանի վարչապետ Իրակլի Դարիբաշվիլու նախագահությամբ անցկացված կառավարության նիստում, գործադիրը քննարկեց 2024 թվականի պետական բյուջեի նախագիծը:

12 ՏԱՐՎԱ ԸՆԹԱՑՔՈՒՄ ԲՅՈՒՋԵՆ ԵՎ ՀԱՄԱԽԱՈՆ ՆԵՐՔԻՆ ԱՐՏԱԴՐԱՆՔԸ ԵՈՒՊԱՏԿՎԵԼ ԵՆ

Վարչապետի պարզաբանմամբ՝ 2024 թվականին ընդհանուր պետբյուջեն կկազմի 27 միլիարդ 800 միլիոն լարի, իսկ տնտեսական ենթադրյալ աճը՝ 5,2 տոկոս, արժեզրկումը՝ 2,8 տոկոս, համախառն ներքին արտադրանքի կանխագծված չափը՝ 85 միլիարդ 370 միլիոն լարի:

- Բնականաբար, դա մեծ առաջընթաց է: 2012 թվականին, երբ ծանր ժառանգություն ստացանք եւ բյուջեն կազմում էր ընդամենը 8,5 միլիարդ լարի, համախառն ներքին արտադրանքը՝ 27 միլիարդ լարի, ապա վերջին 12 տարիներին այդ ցուցանիշները եռապատկվել են: Իսկ դա նշանակում է, որ բնակչության մեկ շնչին համախառն ներքին արտադրանքից բաժին է ընկնում 8600 դոլար,- հայտարարեց Իրակլի Դարիբաշվիլին՝ հավելելով, որ ներկայիս տեմպերի պահպանման դեպքում, իրենց կանխագծումներով 2027 թվականի համար համախառն ներքին արտադրանքի ծավալը կհասցվի 108 միլիարդ լարի, իսկ բնակչության մեկ շնչի բաժինը կհասցվի 11 հազար դոլարի:

Վարչապետի հավաստմամբ՝ 2024 թվականի պետբյուջեի նախագծով նախանշված է բյուջետային պակասորդը հասցնել 2,5 տոկոսի, իսկ պետական պարտքը՝ համախառն ներքին արտադրանքի 38,2 տոկոսի:

(Շարունակությունը՝ 2-րդ էջում)



ՕՐԵՆԱԴԻՐ

«ՀԱՎԱՔՆԵՐԻ ՈՒ ՅՈՒՅՅԵՐԻ ՄԱՍԻՆ» ՕՐԵՆՔԸ ԽՍՏԱՅՎՈՒՄ Է

Վրաստանի խորհրդարանը հոկտեմբերի 5-ին, երրորդ ընթերցմամբ, հավանություն տվեց «Հավաքների եւ ցույցերի մասին» օրենքի փոփոխություններին, որոնց շուրջ քննարկումներն ընթանում էին երկու օր՝ արագացված կարգով: Փոփոխություններին կողմ է քվարկել 74 պատգամավոր, դեմ են դուրս եկել 22-ը:

Ինչ վերաբերում է փոփոխություններին, ապա, խորհրդարանի որոշմամբ, հավաքի եւ ցույցի մասնակիցներին արգելվում է ժամանակավոր շինություններ հիմնել, եթե դրանց դասավորությունը վտանգ է ներկայացնում հավաքի կամ ակցիայի մասնակիցների կամ այլ անձանց համար, խոչընդոտում է ոստիկանության կողմից հասարակական կարգի եւ անվտանգության պահպանումը:

թյան պահպանումը, առաջացնում է ձեռնարկության, հիմնարկի կամ կազմակերպության բնականոն գործունեության խաթարում:

Բացի այդ, հանրային տարածքի արտաքին տեսքի խեղաթյուրումից խուսափելու համար, հավաքի կամ ցույցի մասնակիցներին կարգելվի ստեղծել ժամանակավոր կառույց, եթե առանց դրա կազմակերպման հավաքը



կամ ցույցը եականորեն չի խոչընդոտվի: Արգելի ճորհանրակալումը կհանգեցնի իրավախախտման օբյեկտի բռնագրավման, 500 լարիի տուգանքի, կամ՝ իրավախախտման օբյեկտի բռնագրավման եւ վարչական ազատազրկման՝ մինչեւ 15 օր ժամկետով:

ՎՐԱՍՏԱՆԻ ՊԵՏԱԿԱՆ ԱՆԿՏԱՆԳՈՒԹՅԱՆ ԾԱՌԱՅՈՒԹՅՈՒՆ

ԻՇԽԱՆՈՒԹՅՈՒՆԸ ԵՐԿՐՈՒՄ ԱՆԿԱՐԳՈՒԹՅՈՒՆՆԵՐ ԵՎ ԱՊԱԿԱՅՈՒՆԱՑՈՒՄ ԹՈՒՅԼ ԶԻ ՏԱ



Ինչպես արդեն հաղորդել ենք, սեպտեմբերի 18-ին Վրաստանի պետական անվտանգության ծառայությունը հանդես եկավ հայտարարությամբ, ըստ որի՝ երկրի ներսում եւ դրսում որոշակի ուժեր, ընթացիկ տարվա նոյեմբեր-դեկտեմբերին, ծրագրում են անկարգություններ եւ պետական հեղաշրջում: Հայտարարության մեջ նշված են հեղաշրջման կազմակերպմանն աջակցող կոնկրետ երկրները եւ կոնկրետ մարդիկ:

Հոկտեմբերի 2-ին Վրաստանի պետական անվտանգության ծառայությունը տարածեց նոր հայտարարություն, որտեղ բարձրաձայնվել են երկրում անկարգություններ, ապակայունացում

եւ պետական հեղաշրջում կազմակերպելու վերաբերյալ նոր փաստեր: Համաձայն տարածած հայտարարության, սեպտեմբերի 25-ին ԱՄՆ

(Շարունակությունը՝ 3-րդ էջում)

ԳԱԳԱԹԱԺՈՂՈՎ ԳՐԱՆԱԴԱՅՈՒՄ

ԻՐԱԿԼԻ ԴԱՐԻԲԱՇՎԻԼԻՆ ԵՎ ՆԻԿՈԼ ՓԱՇԻՆՅԱՆԸ ԻՄՊԱՆԻՑՈՒՄ ՄԱՍՆԱԿՅԵՅԻՆ ԵՎՐՈՊԱՅԻ ՀԱՆՐՈՒԹՅԱՆ ԵՐՐՈՐԴ ԳԱԳԱԹԱԺՈՂՈՎԻՆ

Հոկտեմբերի 5-6-ին, Իսպանիայի թագավորության Գրանադա քաղաքում, անցկացվեց Եվրոպայի հանրության երրորդ գագաթաժողովը:



Վերջին ժամանակներում Եվրոպայի մայրցամաքում ռազմավարական, քաղաքական, տնտեսական տեղաշարժերի, ծագած մարտահրավերների ու հիմնախնդիրների համատեղ կարգավորման թեմաների քննարկման լիազուրմար նիստը բացեց Իսպանիայի վարչապետ Պեդրո Սանչեսը: Նա ողջունեց գավաթաժողովի մասնակից 47 երկրների ու Եվրամիության կառույցների ղեկավարներին, որոնց թվում էին Վրաստանի վարչապետ Իրակլի Դարիբաշվիլին եւ Հայաստանի վարչապետ Նիկոլ Փաշինյանը:

ԻՐԱԿԼԻ ԴԱՐԻԲԱՇՎԻԼԻ. «ՀԱՎԱՏՈՒՄ ԵՄ, ՈՐ ՈՂՅԱՆՈՇՈՒԹՅՈՒՆԸ ԿԳԵՐԱԿԱՅԻ ԵՎՐԱՄԻՈՒԹՅՈՒՆՈՒՄ»

Հոկտեմբերի 5-6-ին, Վրաստանի վարչապետ Իրակլի Դարիբաշվիլին, Իսպանական Գրանադա քաղաքում, մասնակցեց Եվրոպայի քաղաքական հանրության երրորդ գագաթաժողովին, որին մասնակցում էին 47 երկրների ղեկավարներ եւ Եվրամիության տարբեր կառույցների ղեկավարներ:

Գրանադայում Վրաստանի վարչապետն անցկացրեց մի շարք երկկողմ եւ բազմակողմ հանդիպումներ: Մասնավորապես, Իրակլի Դարիբաշվիլին հանդիպումներ է ունեցել Եվրահանձնաժողովի նախագահ Ուրսուլա Ֆոն Դեր Լեյենի, Սլովենիայի վարչապետ Ռոբերտ Գալբրի, Սերբիայի նախագահ Ալեքսանդր Վուչիչի, կարճատև զրույցներ է ու-

նեցել Ֆրանսիայի նախագահ Էմանուել Մակրոնի, Գերմանիայի կանցլեր Ֆլաֆ Շոլցի, Եվրամիության արտաքին հարաբերությունների գլխավոր հանձնակատար ժոզեֆ Բորելի, պաշտոնական այլ անձանց հետ:

Հանդիպումներին քննարկվել են Եվրամիության անդամակցության 12 հանձնարարականների (Շարունակությունը՝ 4-րդ էջում)

ՏԱՄՆԵՎ ՏԱՐԻ ԱՆՑ

2012 ԹՎԱԿԱՆԻ ՀՈԿՏԵՄԲԵՐԻ 1-Ի ԸՆՏՐՈՒԹՅՈՒՆՆԵՐԸ՝ ՎՐԱՍՏԱՆԻ ՆՈՐԱԳՈՒՅՆ ՊԱՏՄՈՒԹՅԱՆ ԿԱՐԵՎՈՐԱԳՈՒՅՆ ԻՐԱԴԱՐՁՈՒԹՅՈՒՆ



11 տարի է անցել 2012 թվականի խորհրդարանական ընտրություններից, ընտրություններ, երբ «Վրացական երազանքը» ընտրողների համոզիչ աջակցությամբ՝ պետական ղեկի մոտից հեռացրեց «Ազգային շարժմանը» եւ Վրաստանի նորագույն պատմության մեջ առաջին քաղաքական ուժը դարձավ, որը հաղթեց հաջորդած խորհրդարանական երեք ընտրություններում:

11-ամյա վաղեմության այդ պատմական իրադարձության կապակցությամբ՝ Վրաստանի վարչապետ Իրակլի Դարիբաշվիլին սոցցանցում նշեց, որ վրացական պետության հզորությունը կառավարության եւ ժողովրդի միասնության մեջ է: Հավատում են, որ այս միասնությունը վերջնական

հաղթանակ կբերի մեր երկրին, հոկտեմբերի 1-ի հաղթանակի վերջնական նպատակը երկրի միավորումն է:

Կառավարության ղեկավարի խոսքով՝ 2012 թվականի հոկտեմբերի 1-ի ընտրությունները դարձան նորագույն պատմության կա-

(Շարունակությունը՝ 2-րդ էջում)

ՎՐԱՍՏԱՆԻ ԿԱՌԱՎԱՐՈՒԹՅՈՒՆ

2024 ԹՎԱԿԱՆԻ ՀՈՒՆՎԱՐԻ 1-ԻՑ՝ ՄԻՆՉԵՎ 70 ՏԱՐԵԿԱՆՆԵՐԻ ԿԵՆՍԱԹՈՇԱԿԸ ԿԿԱԶՄԻ 315, ԻՍԿ 70 ԵՎ ԱՎԵԼԻ ՏԱՐԵԿԱՆՆԵՐԻՆԸ՝ 415 ԼԱՐԻ

ԲԱՐՁՐԱԼԵՌ ԲՆԱԿԱՎԱՅՐԵՐՈՒՄ ԱՊՐՈՂ ԿԵՆՍԱԹՈՇԱԿԱՌՈՒՆԵՐԻ ԿԵՆՍԱԹՈՇԱԿԸ, ՀԱՄԱՊԱՏԱՍԽԱՆԱԲԱՐ, ԿԿԱԶՄԻ 380 ԵՎ 500 ԼԱՐԻ

(Սկիզբը՝ 1-ին էջում)

2024 ԹՎԱԿԱՆԻ ՀՈՒՆՎԱՐԻ 1-ԻՑ՝ ԿԵՆՍԱԹՈՇԱԿԻ ՀԵՐԹԱՎԱՆ ԱՎԵԼԱՑՈՒՄ

Վրաստանի կառավարության հերթական նիստում, 2024 թվականի պետական բյուջեի նախագծի քննարկմանը, Վրաստանի վարչապետ Իրակլի Դարիբաշվիլին կառավարության անդամների ուշադրությունը բեռնեց նրա վրա, որ հաջորդ տարվա բյուջեով առողջապահության եւ սոցիալական ծրագրերի համար հատկացվող գումարներն ավելանում են 870 միլիոն լարիով, ինչը թույլ կտա է՛լ ավելի ընդլայնել բնակչության աջակցության ծրագրերը: Իրակլի Դարիբաշվիլին կրկին վերահաստատեց «Վրացական երազանքի» ընտրական ծրագրով տրված խոստումը, ըստ որի՝ ամեն տարի կենսաթոշակի գումարը կավելացվի:

Վարչապետի հավաստմամբ՝ 2024 թվականին տարիքային կենսաթոշակը կբարձրանա բոլոր կատեգորիաների կենսաթոշակառուների համար:

Ըստ վարչապետի՝ 70 եւ բարձր տարիքի կենսաթոշակը կբարձրանա 50 լարիով եւ կկազմի 415 լարի, բարձրադիր գոտիներում բնակվող 70 եւ ավելի բարձր տարիքի կենսաթոշակառուների կենսաթոշակը կկազմի 500 լարի: Մինչեւ 70 տարեկան անձանց կենսաթոշակը կբարձրանա 20 լարիով եւ կկազմի 315 լարի, բարձրադիր գոտիներում բնակվող մինչեւ 70 տարեկան կենսաթոշակառուների կենսաթոշակը կկազմի 380 լարի:

- Համեմատության համար նշեն, որ 2012 թվականին բարձրալեւ բնակավայրերում ապրող կենսաթոշակառուների կենսաթոշակը, համապատասխանաբար, կազմում էր 110 եւ 125 լարի, իսկ հիմա կկազմի 415 եւ 500 լարի: Դա մեր կառավարության աշխատանքի իրատեսական արդյունքն է,- ընդգծեց վարչապետը:

ԾՐԱԳՐՎՈՒՄ Է ՊԵՏԾԱՌԱՅՈՂՆԵՐԻ ԱՇԽԱՏԱՎԱՐՁԻ 10 ՏՈԿՈՍԻ ԱՎԵԼԱՑՈՒՄ

Ինչպես նշեց Իրակլի Դարիբաշվիլին՝ 2024 թվակա-

նին կշարունակվի նաեւ պետական աշխատողների աշխատավարձի բարձրացումը:

Վարչապետի պարզաբանմամբ՝ բյուջեով՝ բոլոր պետական աշխատողների աշխատավարձի 10 տոկոսով բարձրացում է նախատեսված:

- Անցած տարի 20 տոկոսով բարձրացրել ենք ուժայինների աշխատավարձը, իսկ վերջին 2 տարում նրանց աշխատավարձը, ընդհանուր առմամբ, բարձրացել է 40-45 տոկոսով, մինչդեռ մյուս պետական ծառայողների աշխատավարձը բարձրացել է 30 տոկոսով,- ասաց Իրակլի Դարիբաշվիլին:

Կառավարության ղեկավարի խոսքով, կբարձրանա նաեւ առաջնային բուժօգնության անձնակազմի աշխատավարձը: Ըստ վարչապետի՝ նրանց աշխատավարձը եւս կբարձրանա 10 տոկոսով:

ԱՌԱՆՋՆԱԿԻ ՈՒՇԱԴՐՈՒԹՅՈՒՆ՝ ԿՐԹՈՒԹՅԱՆ ՈԼՈՐՏԻՆ

2024 թվականի պետբյուջեի նախագծի քննարկմանը՝ Իրակլի Դարիբաշվիլին առանձնակի կանգ առավ կրթության ոլորտի հարցերի վրա՝ նշելով, որ ծրագրվում են նշանակալի բարեփոխումներ ու նորամուծություններ:

- 2024 թվականին կրթության բյուջեն կավելանա 470 միլիոն լարիով: Բացի այդ, կրթության նախարարի հետ քննարկում ենք հանրային դպրոցների ուսուցիչների աշխատավարձի բարձրացման հարցը եւ հոկտեմբերի վերջին հանրությանը կներկայացնենք նոր հիմնադրույթը,- հայտարարեց վարչապետը՝ հավելելով, որ դպրոցների շինարարության վերանորոգման համար հաջորդ տարվա բյուջեում նախատեսված է 350 միլիոն լարի: Եվս 225 միլիոն լարի՝ մանկապատեզների շինարարության վերանորոգման համար:

Ընդհանուր առմամբ կրթական ենթակառուցների կարգավորման համար, ծրագրվում է ծախսել 700 միլիոն լարի:

6 ՄԻԼԻԱՐԴ ԼԱՐԻ՝ ԵՆԹԱԿԱՌՈՒՅՑՆԵՐԻ ԶԱՐԳԱՑՄԱՆ ՀԱՄԱՐ

Կառավարության նիստում՝ 2024 թվականի պետբյուջեի նախագծի քննարկմանը, վարչապետը նշեց, որ հաջորդ տարվա համար ենթակառույցային զարգացման ծրագրի իրականացման նպատակով, կտրամադրվի 6 միլիարդ լարի, որից 3,4 միլիարդը կկազմի նախարարության բյուջեն: Ճանապարհային ենթակառույցների կարգավորման համար կծախսվի 1,7 միլիարդ լարի, որից, արագընթաց ավտոմայրուղիների շինարարության համար, կհատկացվի 1,2 միլիարդ լարի:

Չեն անտեսվի նաեւ մունիցիպալային ենթակառույցները: Դրանց զարգացման համար հատկացվում է 1,9 միլիարդ լարի: Ջրամատակարարման համակարգերի կարգավորման համար կծախսվի 500 միլիոն լարի:

ԱԶԱԿՑՈՒԹՅՈՒՆ՝ ՓՈՔՐ ԵՎ ՄԻՋԻՆ ԶԵՆՆԵՐԵՑՈՒԹՅԱՆԸ

Իրակլի Դարիբաշվիլին հավաստմամբ՝ կառավարության կողմից մշակված 2024 թվականի պետբյուջեի նախագծում նախատեսված է նաեւ աջակցություն փոքր եւ միջին ձեռնարկչությանը:

- Այդ նպատակով հատկացվում է 300 միլիոն լարի, գյուղատնտեսության զարգացման համար ծրագրվում է ծախսել 500 միլիոն լարի, բնապահպանության ծրագրերի իրականացման համար՝ 180 միլիոն լարի,- հայտարարեց վարչապետը:

Հանրագումարելով վերոնշյալը՝ Իրակլի Դարիբաշվիլին համոզմունք հայտնեց, որ 2024 թվականի պետբյուջեն բավական հավակնոտ է, ինչը թույլ կտա իրականացնել շատ ավելի լայնածավալ նախագծեր:

- Բնականաբար, նախագիծը դեռեւս կվերամշակվի, խորհրդատվություններ կանցկացվեն խորհրդարանի հետ: Կարծում են, որ վերամշակված նախագիծը նոյեմբերի 5-ին կներկայացվի խորհրդարան, իսկ վերջնական տարբերակը օրենսդիր մարմնի հաստատմանը կներկայացվի նոյեմբերի վերջին,- ասաց Իրակլի Դարիբաշվիլին:

ՏԱՆՄԵԿ ՏԱՐԻ ԱՆՑ

2012 ԹՎԱԿԱՆԻ ՀՈԿՏԵՄԲԵՐԻ 1-Ի ԸՆՏՐՈՒԹՅՈՒՆՆԵՐԸ՝ ՎՐԱՍՏԱՆԻ ՆՈՐԱԳՈՒՅՆ ՊԱՏՄՈՒԹՅԱՆ ԿԱՐԵՎՈՐԱԳՈՒՅՆ ԻՐԱԴԱՐՁՈՒԹՅՈՒՆ

(Սկիզբը՝ 1-ին էջում)

րեւորագույն իրադարձություններից մեկը:

«Վրաց ժողովուրդը իր վստահությունը հայտնեց այս պատմական հաղթանակի գլխավոր ստեղծողին՝ պարոն Բիծինա Իվանիշվիլին, ով ժողովրդավարական ճանապարհով փոխեց ժողովրդի ինքնակալ, ապագային, ճնշող ռեժիմը եւ սկսեց երկրի զարգացման բոլորովին նոր փուլ: Բիծինա Իվանիշվիլին լիակատար անհուսության ժամանակ համախմբեց ողջ հասարակությանը, եւ մարդկանց մեծ համախմբումը մեր պատմության մեջ առաջին անգամ հնարավոր

դարձրեց իշխանության խաղաղ փոխանցումը: Այսօրվա տեսանկյունից այս հաղթանակի արդյունքները տեսանելի ու տպավորիչ են, մեր քաղաքական թիմը ապահովեց խաղաղության միակ երկար ժամանակաշրջան, մենք իրականացրեցինք լայնածավալ տնտեսական եւ սոցիալական բարեփոխումներ, նպաստեցինք ժողովրդավարական ինստիտուտների ամրապնդմանը, իրականացրինք կարելու քայլեր դեպի Եվրամիության անդամակցությունը», - գրել է Իրակլի Դարիբաշվիլին:

Իրակլի Դարիբաշվիլին խոսքով՝ «Վրացական երազանքի» թիմը շարունակում է

ժողովրդավարական վերափոխման, երկրի անվտանգության ու բարգավաճման զարգացման գործընթացը:

«Մենք շարունակում ենք ժողովրդավարական վերափոխման, երկրի անվտանգության ու բարգավաճման զարգացման գործընթացը եւ ձգտում ենք է՛լ ավելի հավակնոտ նպատակների: Այս ամբողջ ընթացքում մեզ ուժ է տվել ժողովրդի մեծ վստահությունն ու աջակցությունը: Այսօր մեկ անգամ եւս ուզում են շնորհակալություն հայտնել «Վրացական երազանքի» յուրաքանչյուր անդամի կամ աջակցի, մեր ողջ հասարակությանը», - գրել է Իրակլի Դարիբաշվիլին:

ՀՐԱՏԱՊ

ԹԱՆԿԱՑՄԱՆ ՓՈԽԱՐԵՆ ՀԱՄԱՇԽԱՐՀԱՅԻՆ ՇՈՒԿԱՅՈՒՄ ՆԱԿԹԱՄԹԵՐՔԻ ԳՆԵՐԸ ՍԿՍԵՑԻՆ ԱՆՄՊԱՍԵԼԻՈՐԵՆ ՆՎԱԶԵԼ ՈՐԲԱՆՈՂ ԱՅՐ ՆՎԱԶԵՅՈՒՄԸ ԿԱՆԴՐԱՎԱՐՆԱ ՄՊԱՌՈՂԱԿԱՆ ԳՆԵՐԻՆ ՎՐԱՍՏԱՆՈՒՄ

Նավթամթերքի համաշխարհային շուկայում արդեն մի քանի օր է, ինչ նավթամթերքի գները սկսեցին կտրուկ նվազել: Կա հավանականություն, որ առաջիկայում նավթամթերքի սակագների նվազեցման միտումը շարունակվի, վկայում են այս օրերին արտահանող եւ ներկրող երկրների միջեւ ձեւավորված համաձայնագրերը:

Միջազգային էներգետիկական բորսայում, նավթամթերքի գինը մեկ շաբաթում նվազել է 6 տոկոսով եւ ներկա դրությամբ 1 բարել բարձրորակ նավթի գինը չի գերազանցում 87 դոլարին, այն ժամանակ, երբ, ընդամենը մեկ շաբաթ առաջ, այն կազմում էր 96 դոլար:

Հիշեցնենք, որ ընթացիկ տարվա հունիսին համաշխարհային շուկայում 1 բարել նավթի գինը կազմում էր 65 դոլար, եւ այն սկսեց աստիճանաբար ավելանալ՝ հասնելով 97 դոլարի: Եվ ահա, վերջին մեկ շաբաթվա ընթացքում վավերացվեց գնի անկում:

Ինչ վերաբերում է Վրաստանին, ապա, ինչպես արդեն հաղորդել ենք, վառելանյութի գինը զգալիորեն ավելացել էր: Բնական է, որ միայն ներկրվող վառելանյութով պահանջարկը բավարարող Վրաստանի համար, գների բարձրացումը պայմանա-

վորված է միջազգային շուկայում ստեղծված իրավիճակից: Նրանից հետո, երբ Ռուսաստանը սահմանափակեց նավթամթերքի արտահանումը, վրաց ներկրողները կանգնեցին այլընտրանքային շուկայի որոնման անհրաժեշտության առաջ, ինչն էլ, բնականաբար, ազդեցություն գործեց վառելանյութի սպառողական գների վրա: Առավել եւս, այն համընկավ միջազգային շուկայում նավթամթերքի թանկացման հետ: Մասնագետների գնահատմամբ, վառելանյութի ներկայիս բարձր գները, հնարավոր է պահպանվեն: Եթե համաշխարհային շուկայում նավթամթերքի գների նվազեցման միտումը կայունանա, ապա հնարավոր է, որ Վրաստանում եւս վավերացվի վառելանյութի սպառողական գների նվազում:

ՄԻՄՈՆ ԿԻԼԱԶԵ



ԱՄՆ
ՆԵՐԿԱՅԱՑՈՒՑԻՉՆԵՐԻ ՊԱԼԱՏԸ
ՊԱՇՏՈՆԱԹՈՂ ԱՐԵՑ ԽՈՍՆԱԿԻՆ

ԱՄՆ Կոնգրեսի Ներկայացուցիչների պալատը պաշտոնաթող է արել պալատի խոսնակ Կեւին Մակարտիին: Խոսնակի պաշտոնաթողության օգտին քվեարկել է 216 կոնգրեսական, դեմ՝ 210:

Խոսնակի պաշտոնաթողության պահանջը բարձրացրել է կոնգրեսմեն-հանրապետական Մետ Գետցենը: Նա խոսնակին մեղադրել է դեմոկրատների հետ կոմպրոմիսի մեջ, որով ապահովել է երկրի 45-օրյա բյուջեի ընդունումը:

Նշենք, որ ԱՄՆ-ի պատմության մեջ սա առաջին դեպքն է, որ ստորին պալատի խոսնակը հեռացվում է:

ՆԱՏՕ
ՌԻԿՐԱԻՆԱՅԻ ՀԱՄԱՐ ԱՐԵՎՄՈՒՏՔԻ ԶԵՆՔԻ ՊԱՇԱՐՆԵՐԸ ՄՊԱՌՎՈՒՄ ԵՆ

ՆԱՏՕ-ի Ռազմական կոմիտեի ղեկավար, ծովակալ Ռոբ Բաուերի խոսքով, Արեւմուտքի երկրները գրեթե սպառել են Ուկրաինա մատակարարվող զենքի պաշարները, ինչը պայմանավորված է արտադրության դանդաղ տեմպերով:

ՆԱՏՕ-ի Ռազմական կոմիտեի ղեկավարն Արեւմուտքի երկրներին կոչ է արել՝ մեծացնել զենքի արտադրությունը եւ ընդգծել է արեւմտյան այն երկրների տնտեսությունների արդիականացման անհրաժեշտությունը, որոնք հակամարտության ընթացքում պատրաստ չէին ռազմական մատակարարումներին:

ՌՈՒՍԱՍՏԱՆ
ԼՐԱՑՈՒՑԻՉ ԶՈՐԱՀԱՎԱՔԻ ԾՐԱԳՐԵՐ ԶԿԱՆ

Ռուսաստանի պաշտպանության նախարարությունը չի նախատեսում լրացուցիչ զորահավաք իրականացնել՝ Ուկրաինայում ռազմական գործողություններին մասնակցելու համար: Այս մասին հայտարարել է գերատեսչության ղեկավար Սերգեյ Շոյգուն:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ՎՐԱՍՏԱՆԻ ՊԵՏԱԿԱՆ ԱՆԿՏԱՆԳՈՒԹՅԱՆ ԾԱՌԱՅՈՒԹՅՈՒՆ

ԻՇԽԱՆՈՒԹՅՈՒՆԸ ԵՐԿՐՈՒՄ ԱՆԿԱՐԳՈՒԹՅՈՒՆՆԵՐ ԵՎ ԱՊԱԿԱՅՈՒՆԱՑՈՒՄ ԹՈՒՅԼ ՉԻ ՏԱ

(Սկիզբը՝ 1-ին էջում)

Միջազգային զարգացման գործակալության (USAID) ծրագրի հրավերով, Սերբիայի երեք քաղաքացիներ ժամանել են Վրաստան, եւ «նրանց նպատակն է եղել՝ կապ հաստատել երիտասարդական կազմակերպությունների ու հասարակական կազմակերպությունների հետ, որոնք պետք է դառնան երկրում հեղափոխական գործընթացների առանցքը»:

Վրաստանի վարչապետ Իրակլի Դարիբաշվիլին, արձագանքելով պետական անվտանգության ծառայության

հայտարարությանը, նշեց, որ Վրաստանի իշխանությունները թույլ չեն տա անկարգություններ եւ ապակայունացում, կործանարար ու արմատական ուժերի կողմից, եւ բոլոր նրանք, ովքեր կյանքի են կոչում հակապետական ծրագրեր, կպատժվեն հնարավորինս խստորեն:

- Այս մարդիկ, հավանաբար, ոչինչ չեն սովորել կամ չեն կարող վերլուծել: Փաստ է, որ այսքան տարի է անցել, իսկ նրանք դեռ մնացել են անցյալում: Նրանք կարծում են, որ 2003 թվականն է: Մինչդեռ 2023 թվականն է, եւ մենք իշխանության դեկին ենք արդեն 11 տա-



րի: Իհարկե, մենք թույլ չենք տա երկրում անկարգություններ կամ ապակայունացում,- հայտարարեց Վրաստանի վարչապետը եւ հավելեց, որ պետությունն այսօր ավելի ուժեղ է եւ ամուր կանգնած է իր ոտքերի վրա:



ԳՐԱՆՑՎԵԼ Է ՋԱԻ-Ի 5,8 ՏՈԿՈՍԻ ԱՃ

Վրաստանի ազգային վիճակագրական ծառայության հաղորդագրության համաձայն, նախնական գնահատականներով, 2023 թվականի օգոստոսին, նախորդ տարվա համապատասխան ժամանակահատվածի համեմատ, համախառն ներքին արտադրանքի (ՋԱԻ) աճը կազմել է 5,8 տոկոս:

ՀԱՅԻ ԹԱՆԿԱՑՈՒՄ ՉԻ ՄՊԱՍՎՈՒՄ

Այլուրի, թեփի եւ գարու ներկրման դեպքում՝ լրացուցիչ վճար է սահմանվում 100 լարիի չափով: Այլուրի ներկրման դեպքում՝ վճարը կավելանա 50 լարիով, իսկ ընդհանուրը կկազմի 250 լարի՝ տոննայի համար:

Վրաստանի բնապահպանության եւ գյուղատնտեսության փոխնախարար Թեմզիզ Նասարիձեի խոսքով՝ այլուրի ներմուծման վճարի բարձրացումը ոչ մի կերպ չի ազդի հացի գնի վրա:

- Հացի թանկացման վտանգ չկա, եւ այս բարդ որոշումը կնպաստի տեղական ցորենի իրացմանը: Բնականաբար, ժամկետը կերկարաձգվի: Մենք կվերահսկենք իրավիճակը եւ, եթե որեւէ միջանորոգում կարիք լինի, ըստ հարկի կգործենք՝ կա՛մ դրանից առաջ, կա՛մ դրանից հետո,- ասաց փոխնախարարը:

ՏԱՐԱԴՐԱՄԻ ՓՈԽԱՆԱԿՄԱՆ ԿՈՒՐՍԸ

(6 հոկտեմբերի)

Ազգային բանկի կողմից սահմանվել է տարադրամի հետեւյալ կուրսը:

Տարադրամ	Լարի
1 ԱՄՆ ԴՈԼԱՐ	2.6783
1 ԵՎՐՈ	2.8170
100 ՌՈՒԲԼԻ	2.6794
1000 ԴՐԱՄ	6.5793

ՍԱՀՄԱՆԱԴՐԱԿԱՆ ԴԱՏԱՐԱՆ

ՎՐԱՍՏԱՆԻ ՆԱԽԱԳԱՀԻ ԻՄՓԻՉՄԵՆՏԻ ՀԱՅՑԻ ՔՆՆԱՐԿՈՒՄՆ ԱՎԱՐՏՎԵՑ. ՈՐՈՇՈՒՄԸ ԿՅՐԱՊԱՐԱԿԻ ՍԱՀՄԱՆԱԴՐՈՒԹՅԱՄԲ ՍԱՀՄԱՆՎԱԾ ԺԱՄԿԵՏՈՒՄ

Հոկտեմբերի 3-4-5-6-ին, Վրաստանի Սահմանադրական դատարանը, դատարանի նախագահ Սերաբ Թուրմալայի նախագահությամբ, քննարկում էր Վրաստանի նախագահի իմփիչմենտի պահանջով, երկրի խորհրդարանի 80 պատգամավորների ստորագրությամբ ներկայացրած հայցը:

Խոսքը Վրաստանի նախագահի կողմից Վրաստանի Սահմանադրության ենթադրյալ խախտման, արտաքին հարաբերություններում Վրաստանի նախագահի կողմից, առանց կառավարության համաձայնության, ներկայացուցչական լիազորությունների իրականացման մասին է, ինչը դրսևորվեց արտասահմանյան աշխատանքային այցերով եւ պաշտոնյաների հետ աշխատանքային հանդիպումներով ու բանակցություններով:

Սահմանադրական դատարանում նախագահի ներկայացուցիչներ են թամար Չուգոշվիլին եւ Մայա Կոպալեիշվիլին, իսկ հայցվորների խումբը գլխավորում է «Վրացական երազանք» կուսակցության նախագահ, Վրաստանի խորհրդարանի պատգամավոր Իրակլի Կոբախիձեն:

Քառօրյա քննարկումների ավարտից հետո, որի ընթացքում կողմերը ներկայացրին իրենց դիրքորոշումը հաստատող փաստարկները, Սահմանադրական դատարանի նախագահ Սերաբ Թուրմալան հայտարարեց, որ Դատարանը Սահմա-



նադրությամբ սահմանված ժամկետներում իր կարծիքը կներկայացնի խորհրդարան:

Նշենք, որ եթե անգամ Սահմանադրական դատարանը նախագահի կողմից Սահմանադրության խախտում որոշի, ապա պաշտոնանկության վերջնական որոշում պետք է կկայացնի խորհրդարանը: Իսկ խորհրդարանում նախագահին վերջնական պաշտոնանկ անելու համար անհրաժեշտ է 100 պատգամավորի աջակցությունը: «Վրացական երազանք» ու նրա դաշնակիցներն այս փուլում խորհրդարանում 100 մանդատ չունեն:

ՏԱՐԱԾԱՆԵՐԱՆ

ՍԽԱՆՔԱՆՔԻ. ՆԱԻՐԻ ԻՐԻՅՅԱՆԸ ԵՎ ՍԱԿՐԵԲՈՒԼՈՅԻ ՊԱՏՎԱՄԱՎՈՐՆԵՐԸ՝ ՏՈՒՐՅՈՒՆ ԳՅՈՒՂՈՒՄ

Ախալքալաքի մունիցիպալիտետի սակրեբուլոյի պատգամավոր Աննա Ղեւենյանի նախաձեռնությամբ հանդիպում էր կազմակերպվել Տուրքիա գյուղի բնակչության հետ, որին մասնակցել են սակրեբուլոյի նախագահ Նաիրի Իրիցյանը, համեմատողների նախագահներ Սեդա Մելքունյանն ու Սողոմոն Ավանյանը, գյուղում քաղաքապետարանի լիազոր Սահակ Առաքելյանը:

Հիմնական հարցերը, որ հուղում են բնակչությանը, կապված են խնելու ջրի սեզոնային սակավության եւ ջրի մաքրության հետ: Միաժամանակ նշեցին, որ ոռոգման համակարգում եւս խնդիրներ կան:

Կարտոֆիլի բերքից չեն դժգոհում, սակայն այստեղ էլ առկա է իրացման շուկայի բացակայության հարցը:

Երիտասարդներն ընդգծել են, որ վերանորոգվող «Երիտասարդական տան» համար ցանկալի է ունենալ մարզական գույք՝ սեղանի թենիս, սպորտային այլ պարագաներ:

Ինչպես նշված է տարածած հաղորդագրության մեջ, բնակչությունը, ընդհանուր առմամբ, գոհ է ինչպես կենտրոնական, այնպես էլ՝ տեղական իշխանությունների գործունեությունից:

ՆԻՆՈՍԻՆԴԱ. ՄՈՒՆԻՅԻՊԱԼԻՏԵՏԸ ՄԻԱՅԱՎ ԿՐԾՔԱԳԵՂՁԻ ՔԱՂՅԵՂԻ ՂԵՄ ՊԱՅՔԱՐԻ ՔԱՐՈՇԱՐՇԱՎԻՆ

Աշխարհում հոկտեմբեր ամիսը համարվում է կրծքագեղձի քաղցկեղի մասին իրազեկման համաշխարհային ամիս:

Մոտավորապես 50 երկրում նշում են այս ամիսը եւ այն խորհրդանշորեն անվանում՝ «Վարդագույն հոկտեմբեր»:

Վրաստանը մի քանի տարի է, ինչ ներգրավված է կրծքագեղձի քաղցկեղի դեմ պայքարի «Վարդագույն հոկտեմբեր» քարոզարշավին:



Քարոզարշավում ամեն տարի ներգրավված են ուռուցքաբաններ, ուռուցքաբանական կլինիկաներ, ոչ կառավարական կազմակերպություններ եւ այլք:

Նինոծմինդայի մունիցիպալիտետի քաղաքապետարանը այս տարի եւս միացավ քարոզարշավին:

ԿԱՐՏՈՑԻԼԻ ԲԵՐՔԱՆԱԿՔԻ ԴՎԱՐՈՒԹՅՈՒՆՆԵՐԸ ՆԻՆՈՍԻՆԴԱՅՈՒՄ

Արդեն մեկ ամիս է, ինչ Նինոծմինդայի մունիցիպալիտետի գյուղերում սկսվել է կարտոֆիլի բերքահավաքը:

Ի տարբերություն նախորդ տարիների, այս տարի բերքահավաքը անց է կացվում ընդհատումներով՝ ցուրտն ու տեւական անձրեւները թույլ չեն տալիս մարդկանց բնակամոն տեմպերով աշխատել:

Թեպետ, բերքահավաքի այս եռուն օրերին, եղանակային բարդություններին զուգընթաց, բնակիչները բախվեցին նաեւ աշխատուժի թանկացման հիմնախնդրին: Բանն այն է, որ անձրեւներն ու դաշտերում ցեխը լուրջ արգելքներ են հարուցում բերքահավաքի ընթացքին,

եւ տեղացիները չեն բացառում, որ եղանակները է՛լ ավելի կվատանան, առավել եւս՝ բարձրալեռ երկրամասում ձմեռը շատ ավելի շուտ է սկսվում, եւ վախենում են, որ չեն կարողանա բերքը լրիվությամբ հավաքել: Բերքահավաքը ժամանակին ավարտելու նպատակով, ֆերմերները լրացուցիչ աշխատուժ ներգրավելու համար, ստիպված են լինում բարձրացնել աշխատողների աշխատավարձը, ինչն է՛լ ավելի է բարձրացնում կարտոֆիլի ինքնարժեքը:

ԱՄՆ-ԻՅ ԲԺՇԿԱԿԱՆ ՍԱՐՔԱՎՈՐՈՒՄՆԵՐ՝ ՍԱՄՅԽԵ-ԶԱՎԱԽԵԹԻՆ

ԱՄՆ-ը ավելի քան 65 հազար դոլար արժողությամբ բժշկական սարքավորումներ է նվիրաբերել Վրաստանի Սամցխե-Ջավախեթի տարածաշրջանային կլինիկային՝ առողջական սուր ռիսկերի վաղ ախտորոշման համար: Վրաստանում ԱՄՆ դեսպանատան տեղեկատվությամբ՝ ԱՄՆ-ը շարունակում է աջակցել Վրաստանի շրջանների բժշկական կենտրոններին:

«Վերջին երեք ամիսների ընթացքում ԱՄՆ կառավարությունը բաժանել է ավելի քան 235 հազար դոլար արժողությամբ բժշկական սարքավորումներ՝ Վրաստանում հիվանդների բուժումը բարելավելու համար», - նշված է հաղորդագրության մեջ:

ՇԱԿԱ. ՄԱՐԶԱԴՊՐՈՅԻ ՎԵՐԱՆՈՐՈԳՈՒՄՆ ԱՎԱՐՏՎԵՅ

Ծալկայի մունիցիպալիտետում ընթացիկ տարվա համար ծրագրված ենթակառուցային նախագծերին ավելացվեց նաեւ շրջկենտրոնի համալիր մարզադպրոցի վերանորոգումը:

Մունիցիպալիտետի բյուջեից ֆինանսավորված այդ նախագիծը հաջողությամբ ավարտվեց, եւ մարզադպրոցն արդեն գործում է ողջ ծանրաբեռնվածությամբ:

Էջը պատրաստեց ԱՐԵՎԻԿԱ ՄԱՆՈՒԿՅԱՆԸ

ԳԱԳԱԹԱԺՈՂՈՎ

ԻՐԱԿԼԻ ՂԱՐԻԲԱՇՎԻԼԻ. «ՀԱՎԱՏՈՒՄ ԵՄ, ՈՐ ՈՂՋԱԽՈՂՈՒԹՅՈՒՆԸ ԿԳԵՐԱԿԱՅԻ ԵՎՐԱՄԻՈՒԹՅՈՒՆՈՒՄ»

(Սկիզբը՝ 1-ին էջում)

կատարման ընթացքում, Վրաստանում իրականացվող բարեփոխումները:

- Կարծում եմ՝ Եվրոպայան չի անի այն նույն սխալը, ինչ արեց անցյալ տարի, երբ ճնշեցին Վրաստանին, անարդարացիորեն վերաբերվեցին նրան: Մենք չենք հանդուրժի անարդարությունը ու նման ճնշող վերաբերմունքը, այս մասին շատ սկզբունքային խոսակցություն ունենք մեր բոլոր եվրոպացի գործընկերների հետ: Կարծում եմ, որ կհաղթեն ողջախոհությունը, ռացիոնալությունը, խոհեմությունը եւ ռազմավարական մտածողությունը,- ընդգծեց Իրակլի Ղարիբաշվիլին:

Անդրադառնալով գազաթափողվի մասնակիցների քաղաքական բանավեճին, Իրակլի Ղարիբաշվիլին նշեց, որ խոս-

քը հիմնականում վերաբերում էր անվտանգության հարցերին, եւ այդ ենթատեքստում, ռուս-ուկրաինական պատերազմին եւ դրա ազդեցությանը տարածաշրջանում, այդ թվում՝ Կովկասյան տարածաշրջանում եւ վերջին ժամանակներում այստեղ զարգացող իրադարձություններին: Հայաստանում եւ Ադրբեջանում:

Ներկայացնելով երկրի բռնազավթված տարածքների հարցում Վրաստանի կառավարության դիրքորոշմանը, Իրակլի Ղարիբաշվիլին հայտարարեց, որ երկիրը պետք է խաղաղ ապաստանապահ իրականացնի:

- Ամենակարեւորը՝ անվտանգության խնդիրները, երկիրը պետք է խաղաղ կերպով ապաստանացվի: Սա է երկրի հիմնական նպատակը եւ միավորումը,- ասաց վարչապետը:

ՇՆՈՐՅԱՆԴԵՍ

ԼԵՎԱՆ ԻՈՍԵԼԻԱՆԻ ՄԱՍՆԱԿՅԵՅ ԵՎ ԵԼՈՒՅԹ ՈՒՆԵՅԱԿ ԲԱՐԱՔԱՅԻԱԿԱՆ ԻՐԱՎԱԶԱՍՍԱՐՈՒԹՅԱՆ ԵՎ ԻՆՏԵՐՄԱՆ ՊԵՏԱԿԱՆ ՈԱԶՄԱՎԱՐՈՒԹՅԱՆ ԳՈՐԾՈՂՈՒԹՅԱՆ ԾՐԱԳՐԻ ՀԱՇՎԵՏՎՈՒԹՅԱՆԸ

Հոկտեմբերի 4-ին, Վրաստանի ժողովրդական պաշտպանին առընթեր հանդուրժողական կենտրոնի ազգային փոքրամասնությունների խորհուրդը ներկայացրեց քաղաքացիական իրավահավասարության եւ ինտեգրման 2021-2030 թվականների պետական ռազմավարության, 2021-2022 թվականների գործողության ծրագրի կատարման մոնիտորինգի հաշվետվությունը:

Միջոցառմանը ներկա Վրաստանի ժողովրդական պաշտպան Լեւան Իոսելիանին խոսեց քաղաքացիական իրավահավասարության եւ ինտեգրման պետական ռազմավարության գործողության ծրագրի կատարման մոնիտորինգի նշանակության մասին եւ ընդգծեց ժողովրդական աշխատակազմի սերտ համագործակցությունը հանդուրժողականության կենտրոնի հետ:

Միջոցառմանը ելույթ ունեցան նաեւ հաշվետվման եւ քաղաքացիական իրավահավասարության հարցերով պետնախարարի առաջին տեղակալ Լիա Գիգաուրին ու ժողովրդավարության, իրավունքների եւ կառավարման գրասենյակի ղեկավար Թա-



մար Սիրբիլաձեն:

Միջոցառմանը մասնակցեցին քաղաքացիական իրավահավասարության եւ ինտեգրման կառավարական հանձնաժողովի աշխատանքային խմբի անդամները, ազգային փոքրամասնությունների հարցերով գործող միջազգային եւ ոչ կառավարական կազմակերպությունների ներկայացուցիչներն ու ժողովրդական պաշտպանին առընթեր ազգային փոքրամասնությունների խորհրդի անդամ կազմակերպությունների ներկայացուցիչները:

Միջոցառմանը խոսքով ելույթ ու-

նեցան նաեւ «Վրաստան» թերթի գլխավոր խմբագիր, Վրաստանի հայերի միության փոխնախագահ Վան Բայրոբյանը եւ Վրացահայերի միության ղեկավար Մարի Առաքելովան:

Մոնիտորինգի արդյունքների շնորհանդեսը վարեց ազգային փոքրամասնության խորհրդի կոորդինատոր Կոբա Չոպլիանին:

Միջոցառումն անցկացվեց ԱՄՆ-ի միջազգային զարգացման գործակալության «Միասնությունը բազմերանգության մեջ է» ծրագրի աջակցությամբ, որը իրականացնում է Վրաստանի ՄԱԿ-ի ասոցիացիան:

ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ



ԱՆՑԿԱՑՎԵՑ «ԱԿՏՈՏՐԱՆՍՊՈՐՏԱՅԻՆ ՄԻՋՈՑՆԵՐԻ ԱՏՈՒԳՄԱՆ-ՎԵՐԱԶՍԿՄԱՆ» ՀԱՐՑԵՐԻ ՈՒՍՈՒՑՈՒՄ

Վրաստանի ֆինանսների նախարարության եկամուտների ծառայության մաքսային դեպարտամենտի աշխատակիցների համար, Ֆրանսիայի էկոնոմիկայի եւ ֆինանսների նախարարության մաքսային եւ ակցիզային գլխավոր տնօրինության կազմակերպմամբ, անցկացվեց «Ավտոտրանսպորտային միջոցների ստուգման վերահսկման» մասին ուսուցում:



Մեթոդաբանական եւ գործնական ուսուցումն անցկացվեց Ֆրանսիայի էկոնոմիկայի եւ ֆինանսների նախարարության մաքսային եւ ակցիզային գլխավոր տնօրինության մարզիչներ Իան Բարբի եւ Ալան Դադրսի, ինչպես նաեւ Վրաստանում Ֆրանսիայի մաքսային կցորդ Եդվիգ Պրեսել Վալսի մասնակցությամբ:

Աշխատանքային հանդիպումների շրջանակներում կողմերը քննարկեցին արագ փչացող մթերքների, միջազգային փոխադրումների պահանջարկի (ATP), նաեւ վտանգավոր բեռների փոխադրման

կարգավորումների (ADR), տրանսպորտային փաստաթղթերի վերահսկողության ու այլ հարցեր: Միաժամանակ, «Կարմիր կամուրջ» մաքսային անցակետում, անցկացվեց գործնական ուսուցում, որին ներկա էին Եկամուտների ծառայության պետի տեղակալ Վլադիմիր Խուսնուաձեն, Վրաստանում Ֆրանսիայի արտակարգ եւ լիազոր դեսպան Շերազ Գասրին, նաեւ՝ Վրաստանում Ֆրանսիայի անվտանգության կցորդ Օլիվեր Լեփելը ու գերատեսչության այլ պատասխանատու աշխատակիցներ:

ՎՐԱՍՏԱՆԻ ՍԱՀՄԱՆԱՅԻՆ ԱՆՑԱԿԵՏԵՐՈՒՄ ԳՈՐԾԱՐԿԵԼ Է ԱՆՁԻ ՆՈՒՅՆԱԿԱՆԱՑՄԱՆ ՀԱՄԱԿԱՐԳԸ

Վրաստանի պետական սահմանը հատելիս, սահմանային վերահսկողության արդյունավետության բարձրացման նպատակով, ընթացիկ տարվա հոկտեմբերի 1-ից ներդրվել է անձի նույնականացման էլեկտրոնային հատուկ ծրագիր:

Ինչպես տեղեկացրել է ՆԳ նախարարությունը, նոր համակարգը վերահսկիչ սահմանապահներին թույլ է տալիս, տվյալների ավտոմատ վերամշակման շնորհիվ, ակնբարձրորեն եւ հուսալիորեն նույնականացնել հետախուզման մեջ գտնվող, արտաքսված, արգելքի տակ գտնվող կամ այլ իրավախախտում թույլ տված անձանց՝ Վրաստանի սահմանը հատելիս:

Բացի այդ, անձանց նույնականացման էլեկտրոնային ծրագիրը երաշխավորում է միջազգային տարբեր համաձայնագրերով Վրաստանի կողմից



ստանձնած պարտավորությունների կատարումը:

Նշենք, որ վերոնշյալ համակարգը հաջողությամբ օգտագործվում է եվրոպական մի շարք երկրներում եւ արդյունավետ միջոց է՝ ապօրինի ներգաղթի դեմ պայքարում:

ՖԻՆԱՆՍՆԵՐԻ ՆԱԽԱՐԱՐՈՒԹՅԱՆ ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

ՈՂՋՈՒՅՆԻ ԽՈՍՔ՝ «Tax Stamp & Traceability» ԽՈՐՀՐԴԱԺՈՂՈՎԻ ՄԱՍՆԱԿԻՑՆԵՐԻՆ

Վրաստանի ֆինանսների նախարարության եկամուտների ծառայության սպասարկումների դեպարտամենտի պետ Լեւան Դգերուաձեն խոսքով դիմեց՝ «Tax Stamp & Traceability» նախագծի շրջանակներում անցկացված խորհրդաժողովի մասնակիցներին: Սպասարկման դեպարտամենտի ղեկավարը նշեց, որ ինչպես ակցիզային, այնպես էլ ոչ ակցիզային ապրանքների դրոշմը նշանակալի գործընթաց է եւ դրա նպատակն է այդ ոլորտում հաշվառման կարգավորումը, իսկ ինչ վերաբերում է վարչարարության գործընթացին, ապա այն պետք է իրականացվի բիզնեսի հետ սերտ համագործակցությամբ:

Հանդիպման շրջանակներում հարկատուների սպասարկման վարչության պետ Թեոմա Շիուկաշվիլին խոսեց դրոշմման գործընթացների եւ այդ ոլորտային առկա մարտահրավերների ու արդարացված փորձարկումների մասին, պատասխանեց առաջադրված հարցերին:

Վերոնշյալ խորհրդաժողովն անցկացվում է տարին մեկ անգամ, եւ Վրաստանն առաջին անգամ այն հյուրընկալեց: Խորհրդաժողովին ներկա էին տարբեր երկրների հարկային վարչությունների շուրջ 150 մասնակիցներ եւ մասնավոր հատվածի ներկայացուցիչներ:

ԵԿԱՄՈՒՏՆԵՐԻ ԾԱՌԱՅՈՒԹՅԱՆ ՆԱԽԱԶԵՌՆՈՒԹՅԱՄ ԱՆՑԿԱՑՎԵՑ ՄԵԴԻԱ ՄԵՄԻՆԱՐ

Վրաստանի ֆինանսների ծառայության եկամուտների ծառայությունը, «Լրատվամիջոցների հետ հաղորդակցություն» նախագծի շրջանակներում, տնտեսական թեքումով լրագրողների համար անցկացրեց մեդիա սեմինար:

Վերոնշյալ ուսուցումն անցկացվեց ռեմոտ-գեմային վերահսկման NUCTECH ընկերության աջակցությամբ: Սեմինարին բացման խոսքով հանդես եկան եկամուտների ծառայության մաքսային դեպարտամենտի պետ Ջուրաբ Սիժինավան, վերլուծական դեպարտամենտի ղեկավար Զաքա Թաբազարին եւ միջազգային հարաբերությունների դեպարտամենտի պետ Սամսոն Ունիդիան: Նրանք լրատվամիջոցների ներկայացուցիչներին ներկայացրին՝ գերատեսչությունում 2023 թվականին իրականացված բարեփոխումներն ու ծրագրված նորամուծությունները:

- Ուրախ եմ, որ հնարավորություն ունեմ խոսել գերատեսչությունում ընթացիկ հրատապ նորամուծությունների մասին, ինչն ուղղված է լրատվամիջոցների հետ սերտ համագործակցության խորացմանը: Հեռավար օպասարկումներ, ապրանքային կոդերի որոնման նոր համակարգեր, գործարարության աջակցու-



թյան նպատակով հիմնածավառորիզացված տնտեսական օպերատորի (AEO) կարգավիճակ, նաեւ էլեկտրոնային ձեւավորման տնտեսական գոտի՝ մաքսային ընթացակարգերի ավտոմատացման նպատակով, արհեստական ինտելեկտի օգտագործման հնարավորություն: Սա այն թեմաների թվարկումն է, որի մասին խոսեցին տարբեր դեպարտամենտի ներկայացուցիչներ եւ վստահություն հայտնեցին, որ համատեղ ուսուցումը կլինի ինտերակտիվ ու կառուցողական: Միաժամանակ, ցանկանում են շնորհակալություն հայտնել միջոցառման մասնակցության եւ ակտիվ ներգրավման համար,- հայտարարեց մաքսային դեպարտամենտի պետը: